

Noticias destacadas


**A UNIVERSIDADE DE VIGO,
LÍDER NACIONAL EN TERMOS
DE PRESENCIA FEMININA NO
ÁMBITO DA INVESTIGACIÓN EN
ECONOMÍA**

A Facultade de Ciencias Económicas e Empresariais da Universidade de Vigo atópase entre as dúas primeiras organizacións españolas de investigación en economía en termos de presenza de mulleres, e entre as 20 primeiras a nivel europeo.


**HOMENAXE Ó PROFESOR
CARLOS HERVÉS-BELOS**

A *Society for the Advancement of Economic Theory* (SAET) quixo homenaxear ó Coordinador de ECOBAS durante a celebración da súa Conferencia Anual, celebrada en Ischia (Italia) o pasado mes de xullo, pola súa traxectoria investigadora.

Coñece ó noso equipo...

**CRISTINA CALVO PORRAL,
investigadora do grupo C+D**


Cristina Calvo Porral é Profesora Titular de Comercialización e Investigación de Mercados na Universidade da Coruña, e membro do grupo de investigación C+D de Competencia e Desenvolvemento Rexional. É Licenciada en Administración e Dirección de Empresas polo ICADE (Universidade Pontificia de Comillas de Madrid), e licenciada en Investigación e Técnicas de Mercado (Marketing) polo mesmo centro. Obtivo o título de Doutora pola Universidade da Coruña en 2011. Actualmente conta con 24 artigos académicos indexados na Web of Science, así coma numerosos artigos indexados en Scopus, destacando as súas publicacións en revistas como "Journal of Retailing & Consumer Services", "Food Quality & Preference", "Computers in Human Behavior", "Telematics & Informatics" ou "British Food Journal" entre outras. As súas principais liñas de investigación son o comportamento do consumidor, *retailing* e Marketing alimentario, e actualmente os seus traballos céntranse nas marcas do distribuidor, e na influencia das emocións no comportamento do consumidor.

Cristina conta ademais cunha experiencia profesional de dez anos coma responsable no departamento de exportacións e expansión internacional de Carolina Herrera (Sociedade Téxtil Lonja), é *Research Associate Professor* da Université du Québec en Outaouis (Canadá) desde o ano 2014, e realizou estancias postdoutorais de investigación na St. Joseph's University (Philadelphia, USA), a Université du Québec en Outaouis (Ottawa, Canadá), a University of Texas at Austin (Austin, USA) e na Universidad de La Frontera (Temuco, Chile).

Convocatorias abertas e eventos de interese
UVigo - Axudas para contratos predoutorais

• Prazo de presentación de solicitudes: ata o 10 de outubro

Conferencia-mesa redonda con Joan Cornet (ECHAliance)

• Facultade de Ciencias Económicas e Empresariais, (Vigo). 23 de outubro de 2019

International Conference on Health Care Expenditure

• Santiago de Compostela. 23-24 de outubro de 2019

XIV Congreso Galego de Estatística e Investigación Operativa (SGAPEIO2019)

• Escola de Enxeñería Industrial (Vigo). 24-26 de outubro de 2019

Ver todas as noticias

